

Aangayaarnaqtuq nauhimayuq Havagvingmi

Hivuuranarniq (qauyimayauvlunilu munariniq/havaaq) uvanngat aangayaarnaqtumik atuqtut taimaa ulurianaqtumik ayuqhautihimalaaqtut quyaginnaq havagvianut nayugaanit, hapkuangunngittunut hivuuranaqtumik havakti, hapkuanguyullu havaqatigiyangit, tiliuqti, unalu havaktittiyunullu.

Angayaarnaqtuq nauhimayuq hivituyumik tukiqaqhutik tukiliutaanit aallatqiinguyut angayaarnaqtuutilgit (tipaakut, uqhut, uyarak aahiillu) hanayauhimayuq hamanngat angayaarnaqtuutilgit nauhimayunut.

Angayaarnaqtuq nauhimayuq atuqtauvaktut havautikhainit, aangayaarnaqtut niriallakhaut unalu aangayaarnaqtuliurniq atuqtakhainit. Iluanunngalaaqtut timingnut amihuuyunit, haffuminngat:

- aniqhaaqtangit puyungit (inmikkut akuvakhutiktauq tipaakurnit) uuminngaluuiniit ihiliuqtut;
- iihivakhugit (iiyarnik uuminngaluuiniit akuvagaat aallat nirilaaqtunik); unalu
- allaqhutik uvinirnut (nipilaaqtut, minguit, uuminngaluuiniit nanuut).

Hunali havaktittiyut ilihimayukhaq?

Havaktittiyut turaaqtiyakhaat aallatqiiit haffuminngat hivuuranarnit uvani havagviat nayugaanit uvungaunngittumi hivuinnautihimaittuq ukunani aangayaarnaqtuq nauhimayuq. Nailinahuarlugit ahuiluutinga hivuuranarniq aallaunngittunilu nailinahuarlugit aallatqiiit hivuuranarniq (unaguhiinnarniq, ihumaalungniq, aanniarut, taanngaq, iyiraqtuqhutik angiqtaihimanatik angayaarnaqtunik, taaktinit havautikhaq, unalu niuviqtangit havautikhaq).

Hamna hivuuranarniq atuagaq munariyangit amihuuyut ilagiyangit haffuminngat hivuuranarniq

ilagiyauyukhaq aangayaarnaqtuq nauhimayuq kiugiaqtaqtangit tamaat havaktit, pulaaqtut, unalu akiliqhimayauyut havaktukhat tikitikumik ihuaqtumik havaktukhaq.

Atuagait unalu ihivriuqtangit

Havaktittiyut munariinnaqtakhait malittiaqhimalugit havaktit naammaktumik havakhimayukhaq qayangnairutigit. Una aallanguqhimaaittuq ukunani maligautigit haffumani aangayaarnaqtunit niriallakhautigit.

Una hivuuranarniq atuagaq ilagihimayakhaat:

- tutqittiaqtumik naaguhiyakharniq havaktu’p munariyukhaq iniqhimayakhaat havaangit aangayaaqhimaittumik;
- ilihautiniq tiliuqtinut havaktunullu munariyakhaat havaamingnit ilituqhiiyukhat kiuluniuglu uvanngat hivuuranarniq havaktunut.

Avaliqanngittunut havagviat nayugaat qinnilaaqtut haffuminngat ihumagiyaayut havaktinut kiuvikhainit iluani maliglugit atuagaq, qanuqtut, qanga, humiliqaak hungmalli hamna angayaarnaqtuq niriallakhautigit tautungnaqqa havagviani nayugaani.

Una aadjikkutaanit hivuuranarniq atuagaq angmaumainnaqtuq ukunanngat [hivuuranarniq qayangnautigit titiqqangit](#).

Havaktittiyut qiniqhiagiaqtaqtut maligautigit kiudjuhikhait pilimmakhaqtinnagu aangayaarniq ihivriuqtunut iluani havagvingmi.

Nunatsiaq unalu Nunavut Qayangnautigit Maligautaat

Havaktuliqiyit Qayangnautigit Maliguarutit, Ilangani 35.1, Hivuuranarniq unalu *Uyaraqtarvik Qayangnautigit Maliguarutit*, Ilangani 18.1.01 (NT), Hivuuranarniq, unalu Ilangani 18.02.1 (NU), Hivuuranarniq